



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XIII. Johann von Staz, Bürger zu Stendal, verkauft dem Knappen Lüdeke von Vinzelberg Hebungsrechte von einem Bauerhofe zu Schorfstedt bei Rochow, am 4. Dezember 1353.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

Berlin nach Gottes Geburth tausent Jar drey hundert Jar, dornach in dem ein und funffzigsten Jare, an Sanct Thomas tage des heiligen Apостоles.

Nach einer alten zu Goltzow aufbewahrten Copie. Ein lückenhafter Abdruck befindet sich in Büschings Topographie S. 44.

XII. Wichard von Rochow verkauft an Lüdeke und Gaus von Vinzelberg jährliche Hebungen in Volkau und den achten Theil am Gerichte zu Rochow, indem er sich und seinem Bruder Meinhard von Rochow das Wiederkaufsrecht vorbehält, am 22. Juli 1353.

In ghodes namen amen. Ek wichard van Rochow, knape, bekenne vnd bethvghe openbare alle den, de dessen bref horen, lesen vnd seen, dat ek hebbe, nach miner vrvnde rade, verkoft vnd redelike ghelaten en pvnt penninghe tyntes in deme dorpe to polkow to svnte Mertens daghe jarlikes vp to borende vmme vier mark siluers, de ek hebbe vpgenomen den vromen erbaren knapen Lvdeken vnd Clawese van vincelbergh broderen vnd eren rechten erfen ewichliken to behalden. Ok bethvgh ek wichard von Rochow vorbenvmt, dat ek hebbe verkoft den achtenden del des gherichtes inme dorpe to Rochow, als ek et hadde, vor ene mark stendals siluers den vorbenvmden knapen Lvdeken vnd Clawese van vincelbergh vnd eren rechten erfen. Were aver, dat ek wichard oder min broder Meynard van Rochow oder vse erfen beden mit vsen vrvnden, binnen dren jaren, to sunte Johanefes baptisten daghe, de vorbenvmden knapen Ludeken vnd Clawese van vincelbergh; so scolden se vs dat ghvd vnd gherichte weder laten vmme sodan siluer, als ek van en vpgenomen hebbe. Vortmer so love wie wichard vnd Meynard, brodere van Rochow, in dessen briefe, dat wie willen waren wesen des ghudes den vorbenvmden knapen Ludeken vnd Clawese van vincelbergh vnd eren rechten erfen vor alle den, de recht willen nemen vnd ghesen vor der herfcaph. Dat bethughe wie wichard vnd Meynard mit vsen Inghesegehelen, de to dessen breve sint ghehanghen. Thvghe desser dingh, de hir vore bescrefen sin, sint de erbaren lude bernt van buch vnd Johannes van vincelbergh, knapen, vnd anderer ghvden lvde vele, de ok wol thyghen moghen. Desse brief is ghescrefen to Rochow, Na ghodes bort drvtteynhundert jar, jnme dre vnd vestichsten jare, In svnte Marien Magdalenen avende.

Nach dem Original im Besiß des Geh. Rathes Herrn von Werder.

XIII. Johann von Staz, Bürger zu Stendal, verkauft dem Knappen Lüdeke von Vinzelberg Hebungsrechte von einem Bauerhose zu Schorstedt bei Rochow, am 4. Dezember 1353.

Ich hannes van staz, borgher tu stendal, bekenne vnde bethughe openbare in dissemie ieghenwordighen breue, dat ich hebbe verkoft recleke vnde redeleke deme erbaren knapen ludeken van vincelberghe vnde sinen rechten ernamen eyn half stucke gheldes, dat is eynen hal-

uen wifchepel rocge gheldes, alle iar vp tu nemene, de lich in deme dorpe tu fcazftede*), in deme houe, de nu wedeghen hof is gheheyten, erfleke tu hebbene vnde tu befitene; vnd loue deme vorghenomenen Ludeken vnde finen rechten erfnamen, dat ich en des vorghefreuen gudes wil waren, als eyn recht is. Difes vorghefreuene kopes sint tughe de vrome knapen fiuert van buch vnde Meynard van Rochow, de ere Inghefeghele mit mineme Inghefeghele hebbet an deffen bref ghehenghet tu tughe vnde tu eyner bekantnisse. Desse bref is gheghenen na goddes bort dritteynhunder iar in deme dre vnde vestigheften iare. In funte barbaren daghe der heilighen iuncurowen.

Nach dem Original im Besitz des Herrn Geh. Rath's von Werbeck.

*) Nach Büschings Topographie S. 243 heißt das Dorf Schorstedt auch jetzt noch Schabstedt.

XIV. Meinhard von Rochow verkauft zu seiner Lösung aus Gefangenschaft fünf Kossäten mit einem Achttheil an den Gerichten und seinem Antheil an dem Holze, so wie eine Getreidepacht aus dem Schulzenhofe zu Rochow, zwei Bauerhöfe zu Polkau mit dem siebenten Theil an den Gerichten daselbst und einigen Getreidepächten, ingleichen Getreidepächte zu Weiffenhagen an die von Vinzelberg, am 20. April 1353.

Ik Meynard van rochow, ick bekenne oppenbarliken in desseme jegenwardigen breue, dat ick hebbe ghelaten vnde vorkoft mit miner wizen wrunde rat vnd miner broder rat, hannes winzelbergen, Ludeke winzelbergen, Claus winzelbergen vnde eren rechten eruen vyf kofseten in deme dorpe tu rochow myt denste vnde mit allerleyghe rechte vnde dat hogeste richte in velde vnde in marke tu rochow den achtende deyl vnde mine deyl van deme holte tu rochowe vnde ses schepel rocken in fyne houe heyne schulten; vortmere in deme dorpe tu polkow drütdehaluen wyspel kornes, des lyt in fyneme houe ghercken Sedowes wetein schepel vnde in ghereken fmedes houe neghenteyn schepel, vnde dat ander korne lyt ouer de andere bure, vnde de houe tvey mit allerleyghe rechte, vnde dat hogeste richte im velde vnde in marke in deme fyluen dorpe tu polkow den fouenden deyl; vortmere in dem dorpe tu deme wittenhaghe in fyneme houe koppe buc ses schepel hauerer vnde in fyneme houe heyne wullyf vif schepel hauerer vnde eynen haluen schepel rocken. Dyt lat ick vnde myne kyndere den vorbenomenen luden, also et my myne vader gheeruet heft vndet my van mynen broderen tu rechteme deyl gheworden is, vor viuentwyntich marc fyluers, dar ick my mede ghelozet hebbe vtme stocke, vnde wy willen des phandes eyn ghans ware wezen sunder engherleyghe droghenlych inuall. Dat wy desse dyng vaste vnde stede halden willen, dat loue wy en truuen myt samender hant Ick meynart van rochow, meyneke vnde otte, sine sone, wychghart van rochow, syn broder, vnde hennyg van luderiffe den vorbenomenen luden hannes vinzelberges, ludeke vinzelberges, claus vinzelberges vnde eren rechten eruen vnde tu erer hant frifze vinzelberges, hinrich vinzelberges, zabel vinzelberges, hinrich van roffow, Cort kannenberg, Claus van claden, tu thuge desser dyng beteke